

# Javna ustanova Dom zdravlja Vareš

## Ul. Zvijezda 18. Vareš

Na osnovu člana 23. Pravilnika o radu, unutrašnjoj organizaciji i sistematizaciji poslova i radnih mjesta JU Dom zdravlja Vareš, shodno odredbama člana 4. Uredbe o postupku prijema u radni odnos u javnom sektoru u Zeničko-dobojskom kantonu („Sl. novine Ze-do kantona, broj: 8/19), i Odluke o potrebi prijema u radni odnos br: 01-01-1989 /21 od 30.11.2021. godine, JU Dom zdravlja Vareš raspisuje :

### JAVNI OGLAS ZA PRIJEM U RADNI ODNOS

#### I

JU Dom zdravlja Vareš prima u radni odnos slijedeće radnike na slijedeća radna mjesta:

1. Doktor medicine	3 Izvršioca
2. Diplomirani inženjer medicinske radiologije	1 Izvršilac
3. Zubni tehničar	1 Izvršilac
4. Ložač centralnog grijanja	1 Izvršilac
5. Radnik na održavanju čistoće	2 Izvršioca

#### II

Kandidati treba da ispunjava slijedeće opšte uslove za prijem u radni odnos:

- da su državljani BiH
- da su stariji od 18 godina,
- da imaju zdravstvenu sposobnost za zasnivanje radnog odnosa za gore navedena radna mjesta

Posebni uslovi koje kandidati moraju da ispunjavaju, posebno za svako radno mjesto, su:

#### 1. Za radno mjesto Doktor medicine:

- da ima završen medicinski fakultet,
- da ima položen stručni ispit,
- važeću licencu za obavljanje samostalnog rada izdatu od strane nadležne Komore
- minimalno 6 mjeseci radnog staža na ovim poslovima
- vozačka dozvola „B“, kategorije.

Kratak opis poslova:

- obavlja stručne poslove u skladu sa stepenom stručne spreme i zvanja, a po principu savremene porodične/obiteljske medicine,
- vrši sistematske, kontrolne i ciljane preglede dojenčadi, djece i omladine (predškolskog, školskog i studentskog uzrasta od 0 do 26 godina),
- utvrđuje potrebu i daje nalog za obavljanje laboratorijskih i drugih dijagnostičkih pretraga i konsultativnih, specijalističkih pregleda sa ciljem utvrđivanja konačne kliničke dijagnoze, odnosno kontrole liječenja,
- ocjenjuje radnu sposobnost i upućuje bolesnika na ljekarski i invalidsko-penzijsku komisiju, radi ocjene privremene nesposobnosti i preostale radne sposobnosti,
- propisuje, ordinira, prati i kontroliše tok njege i liječenja,
- vodi propisanu medicinsku dokumentaciju, evidenciju i izvještaje, a neposredno upisuje podatke o posjeti bolesnika, dijagnozu i šifru konačne( glavne ) dijagnoze,
- prati zdravstveno stanje stanovništva i predlaže mjere za unapređenjem zdravlja
- obavlja poslove u čitavom sistemu Doma zdravlja po potrebi organizacije, kao i druge poslove po nalogu neposrednog rukovodioca, u skladu sa stepenom stručne spreme i zvanja itd.

Radni status: na neodređeno vrijeme.

Visina osnovne plate cca 1.907,10 KM.

Mjesto rada: JU Dom zdravlja Vareš i terenske Ambulante.

Broj izvršilaca: 3 (tri).

#### 2. Za radno mjesto diplomirani inženjer medicinske radiologije:

- da ima završen fakultet zdravstvenih studija smjer medicinske radiologije 240 ETC bodova,
- da ima položen stručni ispit,
- važeću licencu za obavljanje samostalnog rada izdatu od nadležne Komore,
- minimalno dvanaest mjeseci radnog staža na ovim poslovima,
- vozačka dozvola „B“ kategorije.

Kratak opis poslova:

- obavlja stručne poslove u skladu sa stepenom stručne spreme i zvanja,
- radi na sofisticiranim aparatima složenijim radiološkim pretragama,
- obavlja poslove iz oblasti radiodijagnostike,
- vrši evaluaciju kvaliteta dobivenih radioloških snimaka,
- vodi Zakonom propisanu medicinsku evidenciju,
- obavlja poslove u čitavom sistemu Doma zdravlja po potrebi organizacije, kao i druge poslove po nalogu neposrednog rukovodioca , u skladu sa stepenom stručne spreme i zvanja.

Radni status: na neodređeno vrijeme  
Visina osnovne plate cca 1.483,30 KM  
Mjesto rada: JU Dom zdravlja Vareš.  
Broj izvršilaca: 1 (jedan).

### **3. Za radno mjesto zubni tehničar-pripravnik**

- da ima završenu medicinsku školu – smjer zubni tehničar
- da nema radno iskustvo, nakon sticanja stručne spreme, na poslovima zubnog tehničara

Kratak opis poslova:

Pripravnik se osposobljava za obavljanje poslova zubnog tehničara i to:

- obavlja stručne poslove u skladu sa stepenom stručne spreme i zvanja u timu sa specijalistom ili doktorom stomatologije (mobilna i fiksna protetika) ili sa specijalistom ortodontom (mobilna i fiksna ortodonticija),
- vodi evidenciju o zaduženom materijalu i prati njegov utrošak,
- radi usko specijalizovane poslove protetskih i ortodontskih nadoknada,
- vodi evidenciju pri prijemu i završetku protetskog rada sa odgovarajućom dokumentacijom,
- vodi računa o opremi i instrumentima
- obavlja poslove u čitavom sistemu Doma zdravlja po potrebi organizacije, kao i druge poslove po nalogu neposrednog rukovodioca , u skladu sa stepenom stručne spreme i zvanja.

Radni status: na određeno vrijeme, dvanaest mjeseci.  
Visina osnovne plate cca 974,74  
Mjesto rada: JU Dom zdravlja Vareš  
Broj izvršilaca: 1 (jedan).

### **4. Za radno mjesto Ložič centralnog grijanja**

- da ima završenu srednju školu,
- da posjeduje certifikat o osposobljenosti za obavljanje poslova rukovodioca kotlovskih postrojenja centralnog grijanja,
- minimalno dvanaest mjeseci radnog staža na ovim poslovima.

Kratak opis poslova:

- loži kotao i kontroliše količinu vode i pritisak u kotlu,
- kontroliše sagorijevanje uglja u kotlu,
- pridržava se i provodi zaštitne mjere u kotlovnici,
- kontroliše prijem uglja u spremnik i vrši izbacivanje pepela,
- kontroliše rad klima pumpe, kao i rezervne električne pumpe,
- svakih osam sati nadgleda kotao, da ne bi došlo do stvaranja kamenca i mulja,
- vrši regeneraciju (omekšavanje vode), te filtriranje i ispiranje koje traje određeni vremenski period,
- redovno zatvara vrata kotlovnice i pušta u rad ventilator radi izbacivanja zagađenog vazduha,
- po završetku sezone loženja vrši čišćenje i podmazivanje kotlova i drugih prostorija,
- obavlja fizičke poslove utovara i istovara robe,
- vrši čišćenje snijega oko objekta Doma zdravlja,
- obavlja i druge poslove po nalogu neposrednog rukovodioca, u skladu sa stepenom stručne spreme i zvanja.

Radni status: na neodređeno vrijeme.  
Visina osnovne plate cca 508,56 KM  
Mjesto rada: JU Dom zdravlja Vareš.  
Broj izvršilaca: 1 (jedan).

### **5. Za radno mjesto radnik na održavanju čistoće**

- da ima završenu osnovnu školu
- minimalno šest mjeseci radnog staža na ovim poslovima

Kratak opis poslova:

- obavlja poslove radnika na održavanju higijene,
- vrši čišćenje i dezinfekciju radnih prostorija odgovarajućim sredstvima,

- vrši potpuno spremanje svih prostorija, njihovo zatvaranje i zaključavanje, pri čemu vodi računa o gašenju i isključivanju aparata za zagrijavanje prostora, o gašenju svjetla i zatvaranju slavina za vodu,
- skuplja i odlaže smeće iz radnih prostorija,
- po potrebi radi u vešeraju
- održava zelene površine oko ustanove,
- preuzima prispjelu poštu iz pošte i predaja ja sekretarici
- vrši otpremu pošte ličnim dostavljanjem ili putem predaja PTT jedinici
- po uručanju i otpremi pošte dužan je da vrati dostavne knjige u službu i podnese izvještaj o dostavi pošte
- obavlja poslove u čitavom sistemu Doma zdravlja po potrebi organizacije, kao i druge poslove po nalogu neposrednog rukovodioca, u skladu sa stepenom stručne spreme i zvanja.

Radni status: na neodređeno vrijeme.

Visina osnovne plate cca 508,56 KM

Mjesto rada: JU Dom zdravlja Vareš i terenske Ambulante.

Broj izvršilaca: 2 (dva).

### III

Postupak odabira kandidata vršit će se na osnovu razmatranja dostavljene dokumentacije i održanog intervjua sa svakim od kandidata koji je dostavio urednu, potpunu i blagovremenu prijavu.

Kriterij za bodovanje kandidata za poziciju 1. i 2. će biti pismeni i usmeni stručni ispit, a za pozicije 3., 4. i 5. će biti održani intervjui.

Gradivo i pravni izvori, odnosno literatura za polaganje ispita po Javnom oglasu, prema stručnoj spremi kandidata:

Pozicija pod rednim brojem 1. i 2. :

- Literatura koja je korištena tokom studija,
- Zakon o zdravstvenoj zaštiti F BiH.

Pozicija pod rednim brojem 3., 4. i 5. :

Intervju će sadržavati i pitanja iz oblasti poznavanja poslova predviđenih radnim mjestom na koje se odnosi prijava kandidata.

O datumu, vremenu i mjestu pristupanja pismenom i usmenom stručnom ispitu, kao i intervjuu, kandidati će biti obavješteni putem e-mail adrese kandidata ili telefonskim putem. Ako kandidat ne pristupi intervjuu, odnosno polaganju pismenog i usmenog ispita, smatrat će se da je odustao od dalje procedure.

Svaki kandidat mora ostvariti najmanje 60% od mogućeg broja bodova na održanom intervjuu, da bi se našao na Listi uspješnih kandidata.

Ukupan broj bodova koji se može ostvariti po osnovu intervjua, kandidatu će biti saopšten prilikom pristupanja na intervju.

### IV

Uz svojeručno potpisanu prijavu na oglas, kandidati su dužni priložiti i slijedeće dokaze:

1. Diplomu/diplome o završenoj školi.
2. Uvjerenje o položenom stručnom ispitu ( za poziciju 1.i 2.).
3. Važeću licencu za obavljanje samostalnog rada izdatu od nadležne Komore ( za poziciju 1. i 2. ).
4. Ovjerenja i potpisana potvrda izdata od strane poslodavca / pravnog lica gdje je kandidat stekao radni staž ( za poziciju 1., 2., 4. i 5.).
5. Dokaz da kandidat nema radno iskustvo nakon sticanja tražene stručne spreme, dokazuju Uvjerenjem porezne uprave ili nadležnog PIO/MIO da kandidat nije prijavljen u jedinstvenom sistemu registracije, kontrole i naplate doprinosa, zaključno sa danom objave oglasa ( za poziciju 3.).
6. Certifikat za obavljanje poslova rukovaoca kotlovskih postrojenja centralnog grijanja ( za poziciju 4. ).
7. Izvod iz matične knjige rođenih.
8. Uvjerenje o državljanstvu,
9. CIPS-ova potvrda o prebivalištu.
10. Dokaz o posjedovanju vozačke dozvole „B,, kategorije, kopija vozačke dozvole ( za poziciju 1. i 2. ).

Sva potrebna dokumentacija dostavlja se u **originalu ili ovjerenja kopija**. Uz prijavu obavezno dostaviti kratku biografiju /CV/ kao i lične podatke, e-mail adresu, tačnu kontakt adresu i telefon. Tačnost ovih podataka kandidat potvrđuje svojim potpisom i za iste garantuje krivično i materijalno.

Pod važećim Uvjerenjem o državljanstvu, podrazumijeva se Uvjerenje koje nije starije od 6 mjeseci, pri čemu se navedeni rok računa od dana izdavanja Uvjerenja od strane nadležnog organa, a ne od datuma ovjere kopije istog, do dana prijave na ovaj oglas.

**Napomena:** Izabrani kandidati će biti u obavezi da, u roku od 15 dana od dana zaprimanja obavještenja o njihovom izboru kao najboljih kandidata, dostave ljekarska uvjerenja o zdravstvenoj sposobnosti za zasnivanje radnog odnosa na navedenim radnim mjestima.

Poslodavac ima pravo poništiti Javni oglas, usljed opravdanog razloga, ukoliko bi isti mogao prouzrokovati veću štetu poslodavcu od njegovog održavanja na snazi.

### V

Prijave na Oglas sa dokazima o ispunjavanju uslova dostaviti u zatvorenoj koverti sa naznakom

**„ Prijava na Javni oglas za radno mjesto ( navesti koje radno mjesto ) – NE OTVARAJ – otvara Komisija „**

**na adresu : JAVNA USTANOVA „ DOM ZDRAVLJA VAREŠ „ ul. Zvijezda br. 18**

**71330 VAREŠ**

**Na poleđini koverte obavezno upisati kontakt informacije kandidata ( ime i prezime i kontakt telefon ).**

Neuredne, nepotpune i neblagovremene prijave, Komisija za izbor kandidata za prijem u radni odnos će odbaciti.

Po okončanju postupka po ovom Javnom oglasu, eventualni povrat dostavljene dokumentacije kandidata vrši se isključivo na osnovu pismenog zahtjeva kandidata koji se dostavlja na protokol JU Dom zdravlja Vareš.

**VI**

Rok za podnošenje prijava je 8 (osam) dana od dana objavljivanja Javnog oglasa, koji će biti objavljen u dnevnom listu „Oslobođenje“ , web stranici Doma zdravlja Vareš, web stranici osnivača - Općine Vareš i web stranici JU Službe za zapošljavanje Zeničko-dobojskog kantona, Zenica, računajući rok od njegove posljednje objave.

**VII**

Kontakt osoba za davanje dodatnih obavještenja je Raza Hrvat, broj telefona za dodatno obavještenje je 032/843-034.

Broj: \_\_\_\_\_/21

Datum; 01.12.2021.godine

Dostavljeno:

1x Oslobođenje – dnevni list

1x Općina Vareš

1x JU Služba za zapošljavanje Ze-do kantona, Zenica

1x a/a

**DIREKTOR**

\_\_\_\_\_  
Prim.dr. Fikret Operta  
spec.ginekologije i akušerstva